



L# 27. EX BIBLIOTH.  
NATIONIS HUNGAR.  
VITEBERG.

I 26.

P  
SIGNAT. CLIO CCCXIII.



DAN. GUILIELMI  
**MOLLERI**  
HORARIA  
MEDITATIO,

*Quæstionis hujus:*

Num S. Pauli Cap. I. ad  
Rom. sine Profanorum  
Authorum ,maximè PET-  
RONII, cognitione,  
intelligi queat?


*Ad*

**AMICUM.**

—  
—  
—

**F R A N C O F V R T I**  
*ad Mænum*

Apud DANIELEM FIEVET.  
—  
**M. DC. LXXIII.**



MS (0) 96



*Lectori benevolo*

S.P.D.


Quo aliâshodie illicio  
ad perlegendos ferè  
libellos tantùm trahi soles;  
eo , nî fallor , etiam hunc  
meum obiter inspiciendi,  
haud invitus attraheris :  
Nec alias certè scribendi  
mihi scopus, quam ille, cu-  
jus ætas hæc nostra est ca-  
pax. Laudem ne verò ali-  
quis aucupari me isto e-  
dendi genere autumabit?  
nō sanè opinor: quid enim  
horæ spatio laude fiat di-  
gnum ? an Vituperium ?

A. 2 ipse

¶

ipse fateor: sed amabò qua-  
le? quod modernis Seculi  
nostrí moribus maximè  
est conveniens: Adhæc, à  
quibus? vel ab illis, qui ar-  
gumentum, vel ab istis, qui  
stilum; vel ab his, qui teme-  
ritatem, vel ab aliis, qui alia  
quævis incusare nôrunt.  
Quicquid autem sit: Au-  
daciâ hoc tempore opus  
est, ad majora gradum no-  
bis facere volentibus: ejus  
hic si reus sim, patiar quod  
omnes. Vale.

Eram



**R**am, ante hos decem quatuorque dies, apud Virum aliquem in antiquiorum literarum stadio studioque, si non versatissimum, certè non adeò hospitem, qui multis verbis ultrò citroque habitis, de Profanorum usu Autorum in sacri Bibliorum textûs expositione, tām fervidus mecum contendit, ut nunquam magis ad Trojam Achilles. Is inter alia, quæ tum rationum adduxit momenta, Librum aliquem ex Bibliothecæ suæ scriniis in quaternaphilyrarum folia complicatum ac compactum fortè proripuit, eum tumultuarius evolvit, atque inde verba legit isthæc: *Dic mihi, qui hæc studia planè conculas, qui mihi hoc*

A 3 Pau-

*Paulinum caput velis capere, absque  
lectione profanorum Scriptorū si es-  
ses? Mirabar primūm ipsius im-  
petum, deinde inveniendi, quæ ad  
rem suam essent, felicitatem, ulti-  
mò quæsivi; quis Autor ille, ē quo  
ista depromisisset? responsum mi-  
di dedit: Est ille J. M. Dilherrus,  
Pastor quondam apud Noriber-  
genses ad S. Sebaldi meritissimus,  
Theol. & Phil. P. P. famigeratissi-  
mus: Ille, dixi, hæc habeat? ille, re-  
gressit is, nec aliis. Ego quidem, au-  
toritate tanti Viri motus, nihil ul-  
terius contra sum ausus dicere, sed  
librum ad dierum aliquot priva-  
tum usum petii: annuit petito, ec-  
piamque illius aetutum fecit: Ne-  
que ego ibidem amplius moratus,  
domum merecepi, atque accura-  
tius in Autorem inquirendo,  
inveni statim à principio in Dedi-  
catione Partis primæ, Disputatio-  
nes*

nes istas, non quidem ab ipsomet  
b.m. Dilherro esse conscriptas, sed  
tamen suo ut plurimum ductu,  
à doctissimis eo tempore studiosis,  
concinnatas, subque suo præsidio,  
in celeberrima Jenensi publicitùs  
ventilatas; Deinde legi, quod sa-  
tius fortasse fuisset, eas sub limam  
revocasse, & nonnulla vel confir-  
masse vel mutasse. His ita jam  
præmunito, *Iohannis Conradi Die-  
terici Disputatio* sese mihi offert,  
quæ in Parte priori earum Dispu-  
tationum à pag. 100. ad pag. 299.  
octavum obtinet locum, atque ti-  
tulum gerit istum: *De Uſu lectionis  
Scriptorum Secularium & Antiqui-  
tatis, quem in altiori etiam litteratu-  
ra præstant.* Arrisit mihi Disputa-  
tionis argumentum, atque eidem  
ita generaliter concepto lubens  
adjeci calculum: Incidi verò sta-  
tim, verso folio primo, in quæstio-

A 4 nem

nein ὁποταρεσκενας μην, An Ethnico-  
rum Scripta sint legenda? Displi-  
cuit, fateor, illicet laxitas quæ-  
stionis, putavique restringendam  
esse h. m. An Ethnicorum Scri-  
pta promiscuè cuivis sacrarum litte-  
rarum Interpreti sint legenda? Per-  
git deinde modò dictus Autor  
ad eorum confutationem, qui  
lectionem Ethnicorum infructuosam  
esse censem: ubi rursus putarem, co-  
arctandam istam fuisse senten-  
tiam hoc pacto; qui lectionem  
Ethnicorum, Interpreti Scriptura-  
rum, infructuosam esse autument:  
aliás enim nemo inveniatur in Or-  
be, qui non, vel ad seculi prioris  
mores, vel ad Gentium ritus, vel ad  
temporis anteaeti cognitionem,  
vel ad alios fines humanos facere  
eam ambabus, quod dici solet, ma-  
nibus, concedat. Affertur quidem  
Dictatorum Concilii Cárthaginē-  
sis

sis IV. decretum ; *Episcopus Gentilium libros non legat.* Sed anne hoc ipso effato evinci potest, Ethnicorum Scripta nō esse legenda? Sane Episcopo quod interdictum est, non statim omnibus aliis extra Episcopale officium constitutis : Episcopos quippe penes, cūm & in Ecclesiis animadvertisendi , & articulos atque leges condendi sit potestas , quis non videt , facile ad erronea quæque, animos eorum consuetudinibus Gentilium repletis , posse delabi? Neque Clementis Romani Constitutio quicquam ad rhombum : Ab omnibus enim ille licet libris Gentilium abstineri jubeat , utpote à Diabolo excogitatis , tamen id zelo potius , suo tempore maxime necessario , quàm alio fecit instinctu , neque enim tūm , ut ipse Dietericus subdit,

A 5      indi-

indiscretim cuivis lectionem gen-  
tilium permettere tutum erat;  
multaq; possunt dici in sensu com-  
parato, quæ non possunt dici abso-  
lutè. Benignè igitur eorum verbain-  
terpretanda esse censet Dietericus,  
ut quæ συνεργίας quoad lectionem  
S. Scripturæ, quæ sola sit βάσις επιστή-  
μης καὶ φάρμακον ψυχῆς, dicta sint.  
Subsumo ego: si hoc ; sequitur,  
Ethnicorum Scripta non esse , in  
comparatione ad S. Scripturam,  
legenda , quod tamen in Antelo-  
quio evictum dari voluit.

§. 2. Nihilominus, *Ethnicorum*  
*libros non sine fructu legi posse à*  
*Christianis, probat Dietericus (1.)*  
*ab inductione aliquot S. Scripturæ*  
*Locorum; quæ quidem ex Veteri*  
*Novoq; Test. in sua Diatribe, Gen-*  
*tilium nebulis illustret magis an*  
*obscuret, anceps hæreō. Profectò*  
*loc. cit. p. 248. in uberiore explica-*  
*tione*

tione Cap. i. ad Rom. vers. 23. ad  
 vers. 26. ejusdem capititis infit: *Hic*  
*quandam quasi Epitomen flagitio-*  
*rum à gentibus perpetratorum tradit*  
*Apostolus; & ea maximè talia, à*  
*quibus communis hominum natura*  
*& ratio abhorrebat.* Quid quæso  
 jam moyeat Interpretēm sacra-  
 rum litterarum, ea flagitia in lucis  
 gentilium pervestigare? quid, ea  
 æternis mandanda tenebris in lu-  
 cem protrahere juvabit? Flagitia  
 si fuere vitanda, cur tanquam imi-  
 tanda curiosius exponam? Si com-  
 pendiariò ab Apostolo prolata, cur  
 cum dispendio legentium fusiùs  
 eadem enarrem? è re nostra, si ea  
 uberius cognosse, fuisset, Spiritus  
 S. non omisisset vel contraxisset;  
 quæ igitur occulta voluit esse hic,  
 cur tanquam manifesta revelém?  
 Sæpè homines non peccassent, nisi  
 peccatorum amissitatam vel legis-

A 6 sent

sent vel audivissent delineatio-  
 nem. Age, Concionatoris alicujus  
 munere in Ecclesia fungar ortho-  
 doxâ, num scorta, furtâ, cæteraq;  
 hominum scelera taxando, proba-  
 bis, si penitus eorum perpetratio-  
 nem Auditorum animis instilla-  
 rem, sique accuratius quaslibet  
 circumstantias oculis subjice-  
 rem? si minima maxima resolute-  
 rem, & per hypotyposin quan-  
 dam proponerem? nonne suffe-  
 cerit nomen saltem criminis te-  
 tigisse, ab eoque Christianos mi-  
 tissimè dehortatos esse? Accedit,  
 sancto Paulo de talibus flagitiis  
 fuisse sermonem, à quibus com-  
 munis hominum natura & ratio ab-  
 horrebat: quare igitur non etiam  
 Lingua vel Calamus abhorreret?  
 Obstupui steteruntque comæ,  
 vox faucibus hæsit, quando pri-  
 mùm illum vidi libellum, quem

Job

*Ioh della Casa Anno 1550.* de Sodomiæ laudibus conscripsit. Jamne verò benè quis faceret, si Sodomiæ naturam, differentias, & circumstantias anxius evolvat? nonne satius vocabulum illius exolescere? nonne nudum nomen ejus recitasse est refutasse? De Confessionariis quidem aliquibus Pontificiis memoriae proditum est, eos nonnunquam in examine suorum Contentium in minima quæque & abstrusissima naturæ inquirendo, summè delectari: num verò nos in sacri Codicis expositione illos imitemur? Dolendum potius est, hujus vel alterius Ecclesiæ etiam orthodxæ Pastores, in concionibus suis, non tam dictis Scripturæ, historiisque sacris, quam profanarum rerum gestarum recitatione, mundanaque

A 7 pro-

proverbiorum, apophthegmatum,  
aliarumque s<sup>e</sup>p<sup>e</sup> ineptiarum sim-  
plices plebis, quin etiam nasutulo-  
rum auriculas fricare atque satiare.  
Memini, quodam me tempore  
N.N. studiis operam dedisse, ibi-  
demque concionantem audivisse  
Virum cæteroquin ad populo ali-  
quid ex cathedra sua persuaden-  
dum quasi natum, qui de Jobi mor-  
bis differens, eorum potissimum  
varietatem & fœditatem, ceu Ali-  
ptes aliquis, quoad omnia detexit;  
interfu<sup>r</sup>ere huic concioni plurimi,  
quorum delicatis ventriculis nau-  
sea quædam oborta, in prandio  
postea ex more sumendo, cibo-  
rum aversionem induxit : Sic  
nempe s<sup>e</sup>pius uno vel altero ser-  
mone aures nostras minùs decen-  
ter feriente, ad ea etiam egerenda  
cogimur, quæ altè jam pectori no-  
stro infixæ fu<sup>r</sup>ere: Tenerima quip-  
pe

peres auris est atque oculus, neque  
citius quicquam in toto homine  
infici potest aut corrumpi. Quid  
quod circa putamina plerumque  
simus hodie curiosi, ad ipsius au-  
tem nuclei egestionem quam ma-  
xime otiosi; ea enim circum circa  
inspicioendo, tangendo, palpando,  
tempus effluit, quod effringendæ  
nuci utiliter potuisset insumi. O  
quam verè hic applicari potest il-  
lad, quod sui seculi φωστὸς dixit Sca-  
liger: Vitreum pultis vasculum ceu  
feles lambimus, interiora nun-  
quam aut certè raro attingimus.  
Præterea Lectores & Auditores  
bona communiter sua amittunt,  
dum ad hæc aliena ex Gentilium  
Scriptis allegata attendunt, quæ  
maxime in corde suo custodire  
debuissent: Animus enim semel ad  
rerum divinarum meditationem  
ejectus, ethica terrestrium cogi-  
tatione

tatione depresso in præceps ruīt,  
adque illa se conferre adigitur, quæ  
animum, non animam reficiunt.  
simile fere aliquid iis contingere  
arbitror, qui per nemus quoddam  
iter facientes, modò hæc modò  
alia quærendo diverticula, me-  
tam ipsam, ad quam pervenire  
aliàs rectà peregrinantes potui-  
sent, amittunt: scilicet, quod  
paucis fieri sæpè rectius potest,  
multis, si non planè destruitur, sal-  
tim intricatus redditur.

§. 3. Pergit Dietericus scri-  
bitque: *Dic mihi, qui hæc studia  
planè conculcas, qui mihi hoc Pan-  
linum caput (ad Roman. 1.) velis  
capere, absque lectione profano-  
rum Scriptorum si esses?* Dico ego:  
ita: Si nudæ textūs relationi in-  
hæream; si verborum significa-  
tionem ex foro proprio, non alieno  
accersam; si flagitia ibidem  
prohi-

prohibita vitem; si ea scrupulosius non examinem; si ea omnia perpetrare timeam, quæ conscientiam DEUMq; lædere ab Apostolo divinitus sunt scripta. Anne igitur hoc pacto me caput illud non recte capere quis dicat? Quid amabò factum esset, si Scripta omnium Gentilium periissent? ut pote de quorum, ceu Bibliorum conservatione, nullum iota habemus; si vero absque illorum lectione, Biblia capere non potuissemus, necessariò habere debemus: Quid ergo fecissemus? quomodo ex mente tua sacras litteras intellexissemus? Vides, quām non firmo tua opinio subsistat talo.

§. 4. Corroboras sententiam tuam Autoritate quadruplici: (1.) Seldeni, cum quo te putare scribis loc. cit. p. 248. *quod nullus reperiatur*

periatur Commentarius, qui comma  
27. capitis hujus (i. ad Rom.) aequè ex-  
plicet, atque Petronii Satyricon,  
quod ipsissimos mores ipsissimi æ-  
vi, ipsissimæ gentis, cui Apostolus  
exprobrat, aperit. Vah! quid au-  
dio? Petronii ne Satyricon Com-  
mentarius sit Biblicus? neque hoc  
satis; Commentarius talis, cui nul-  
lus aliis in commatis. 27. epist. ad  
Rom. cap. i. explicatione fit æ-  
quandus: Ergone hoc erit com-  
mentari? si reperto uno vel altero  
ex Gentilium libris vocabulo, in-  
tegra de illo aliunde conveham  
plaustra? annon apertè satis scri-  
ptum est, Viros reliquisse natura-  
lem fœminarum usum, ergaqué se  
invicem exarsisse? Scimus autem  
jam etiam naturæ instinctu, quis  
Virorum cum fœminis naturalis  
sit usus: quid nosse juvat ulterius,  
quomodo & quot modis ab illo  
masculi

masculi deviarint. Satius profectò  
est, ea nunquam patrasse, vel si pa-  
trata , nunquam planè, vel saltim  
parcè, uti ab Apostolo factum , in  
dehortatione attigisse : Naturalia  
quippe, quamvis Medicorum tur-  
bæ turpia non sint; Christianis ta-  
men quò minùs eadem turpia non  
esse debent , non video. Quid  
quæso expedit , exempla Mastu-  
pratorum , Cinædorum, Pædico-  
num vel Pædicatorum, Pathicorū,  
Catamitorum, Incestuosorum ex-  
actiùs novisse, si sciam solum natu-  
ralem fœminarum usum Christia-  
nis legitimè concessum , omnem  
alium ab illo Viris interdictum es-  
se. Sufficiebat Adamo Protopa-  
renti nostro , novisse, quod unius  
arboris fructus in Paradisi horto  
ipsi sint interdicti, non opus erat, ut  
speciatim DEUS adjiceret, hujus,  
illius, vel istius arboris fructus tibi

ad

ad esum liberè permissi sunt. Paucis ut id, quod res est, dicam: ipsa cui nota est interdictio; quævis alia extra eam esse prohibita, itidem haud ignotum erit. (2.) *Goldasti* testimonium quod attinet, quando in Dissertatione de Scriptis Petronii, cap. 4. prolatis Divi Pauli Apostoli verbis, subjicit: *Quibus verbis, qui volet planum & perspicuum habere Interpretem, ei ego unicum hunc Petronium dedero.* Neque omnino vanum est magni cuiusdam Theologi dictum, caput primum ad Rom. sine Petronii Satyra intelligi non posse. Addo etiam Caput XIII. in quo à commemo ratis vitiis dehortatur. Sed enim, si hoc non est alios præter Scripturæ sacræ fontes, sibi rivos fodere, certe non scio quænam limpida imposterum aqua erit: Anne Petronius Interpres sit verborum Pauli?

Pauli? quid tenebris commune  
 est cum luce? vel Satanę cum Deo?  
 quid commercii obscenitas cum  
 puritate habet? planus ne ille &  
 perspicuus, & quidem unicus  
 Scripturæ audiat Interpres, qua-  
 re igitur juventuti studiosæ Plau-  
 tum, Terentium, aliosque libros  
 ethnicos dare laboramus Christia-  
 nos? næ tortuosa in citato Pauli  
 commate cùm non sint verba, cur  
 ergo complananda? obscura cùm  
 fere nemini appareant, cur illu-  
 stranda? Recordor alicuius in  
 Academia N.N. quondam Philo-  
 sophiæ Professoris suâ ætate cele-  
 bratissimi, qui terminos Concreti  
 & Abstracti Auditoribus suis, ad  
 oculum, uti dicitur, monstraturus,  
 farcimen secum aliquo tempo-  
 re afferebat, idque cultro su-  
 pernè rescindens, ita dicere  
 orsus

orsus est; aspicite Auditores, far-  
tura hæc interior concretum est,  
deinde cuticulam detrahendo  
subjunxit; hæc verò est abstra-  
ctum. Velsi de alapa cuidam infli-  
cta loquereris alicui, num eandem  
ipſi impingere manu tuâ deberes,  
atque simili , non alio modo fa-  
ctum esse, demonstrare? ridereris  
fanè ab omnibus , quin etiam ver-  
beribus haud leviter excipereris.  
De cætero vanum satis, cujuscun-  
que tandem magnitudinis Theo-  
logi dictum illud mihi videtur,  
quando scripsisse ille dicitur, *caput*  
*primum ad Romanos sine Petronii*  
*Satyra intelligi non posse.* Quid Sue-  
cis fiet miserculis , quibus illam le-  
gere , uti otros libros omnes ob-  
ſcenos, præsertim Theologiæ stu-  
dio addictis , ſeverè prohibitum  
est? Illoſnē caput primum ad Ro-  
manos non intelligere quis aſſe-  
rat?

rat? imò , melius interdum multò, iis, qui Petronio incumbentes, ad obscœna quæque cogitationibus feruntur , cœlestiumque fastidio capiuntur , utpote cum mundanis eadem in sede nunquam commorantibus. Idem mihi homines isti persuadere videntur, quod ferè illi , qui cerevisiam in quibusdam Saxoniae & Pomerniae locis sapidam esse non putant, nisi ex lacubus palustribus, fœtidis desidibusque aquis coctam, ubi tamen sapor & sanitas probè distinguenda essent, cùm non statim omnē , quod palato sapit, conduibile quoque sit ventriculo humano. (3.) *Ioseph. Gonsalius de Salas* adducitur, cuius in præludio. II.ad Petron.pag.16.verbalegantur ista:  
*Fulcitur haud leviter hæc Veritas divina, illa D. Pauli Epistola ad Romanos, ubi, compar quum ille fuerit ætate*

ætate Neroni & Petronio , pariter  
adèò eadem met vitia, exagitata c re-  
censet, ut capita I. & XIII. ejusdem E-  
pistolæ, ex sententia quorūdam eru-  
ditorum Theologorum ferè sine Pe-  
tronii Satyra non possint intelligi.  
Quid jam ego dicam ? Nempe,  
concedo, Veritatem aliquam divi-  
nam D. Pauli Epistolâ fulciri, nego  
autem hanc à Petronii Satyra ro-  
borari posse quicquam : Compar  
sanè Paulus Petronio fuerit ætate;  
num autem etiam doctrinâ ? aliud  
sanè est vitia eadem theologicè, h.  
e. modestè; aliud satyricè, h.e.vi-  
rulenter recensere; illo , non isto  
modo Hermeneotæ divini ani-  
minus esse debet comparatus : Hinc  
fortè Salas sale magis respersus,  
non simpliciter, uti præcedentes,  
asseruit; nullo modo sine Petronii  
Satyra Caput primum Epistolæ ad  
Rom. posse intelligi, sed notanter  
addidit

addidit, ferè, nō potest intelligi, & quidem non tam juxta suam, quàm quorundam eruditorum Theologorum sententiam. (4.) Casp. Barthius in Advers. lib. II. cap. 20. idem stabilire videtur, quando scripsit: *Petronius, spurcus & obscenus, sed ad pios etiam castosq; illustrandos utilis Auctor.* Cujus quidem Autoris sententia præ reliquorum mihi magis arridet, quod Petronii proprium, uti Schola Logicorum docet, in quarto modo, quod spurcicies est & obscenitas, non velet; deinde, quòd utilem eum dicat, non tam Scripturæ S. illustrandæ, quàm ad castos piosque forte alios autores, quibus nempe hæc talia, sine læsione teneritudinis suæ conscientiæ, nosse voluere est. Ceterum si Barthio spurcus est Petronius atque obscenus: quomodo,

B

vel

vel quid illustrare potest? cer-  
te spurcum nonnisi spurco, ob-  
scœnum obſcœno convenit: Bi-  
bliorum ergo illustrationi ob-  
ſcœni quicquam adhibiturus, Bi-  
blicam inficies majestatem: quæ ſe  
ſolâ ſplendens Gentilium non eſt  
indiga laternis: vel ſi hoc nolis?  
obſcœna in Bibliis contineri fatea-  
ris eſt neceſſe, cum quibus putà  
lacunæ Ethnicorum miſceri, for-  
deſque Gentilium conjungi poſ-  
ſint, aliàs enim videre non poſſum,  
quomodo Petronius obſcœnus fit,  
& tamen illustrationi Scriptura-  
rum inſervire queat.

§. 5. Mirari ergo ſatis nequeo,  
quâ ratione pio aliàs & induſtrio  
Disputationis ab initio memora-  
tæ Autori J. C. Dieterico probari  
potuerit eorum opinio, qui Petro-  
nium indebitis exornavere laudi-  
bus,

bus, ita quidem, ut etiam cum illis facere se declararit, contraque oppugnantes hoc propugnarit axioma; *Sine Petronii Arbitri Satyrâ Interpretem capitis primi Epistolæ ad Romanos condignum esse arbitrum non posse.* Cùm tamen sui fortè oblitus paginâ mox in sequente 249. scribat: *Inter Scripta Plutarchi extat liber de amore Puerorum, in multis pudendus; nullum autem inter omnia ejus scripta majori vituperatione & infestatione dignius esse, quam opusculum istud, censet Keckermannus; egoque & quivis pius cum illo. Magis verò Dietericus à se dissentit, quando ita ibidem infit: Quid potuit pejus in omni rerum natura à Diabolo excogitari, abominando illo fellationis scelere? Et tamen Ethnicis in usu; de quo*

B 2 apud

apud Artemidorum est testimonium  
(cujus index & interpres esse recuso)  
luculentum: cur ergo Petronii esse  
velis in cap. I. ad Rom. ? & quædam  
etiam nobis dat Elmenhorst. ad Arnobium:  
Sed Harpocrates illud st̄ mihi insuffravit: Vix enim ferent ea oculicasti.  
O si hæc Dieterico semper mens fuisset, nunquam profecto sine Petronio, Epistolæ Pauli  
ad Romanos Cap. I. & XIII. intellegi non posse, scripsisset: Quod ta-  
men nos publicè h̄ic profitemur,  
ea potius omnia, quæ ex Gentilium  
libris ad graphicas flagitiorum  
suorum delineationes faciunt, pre-  
tergredi aliquem debere, auresq;  
contra ejuscemodi illecebrarum  
incantationes obturare, quin imò  
& limina honesta & lumina casta  
occludere; quam longâ verborum  
serie singula minutatim velle per-  
sequi,

sequi, atque impunè repetendo eadem, occasiones facere plures ad peccandum. Sanè Plautus & Petronius & nequitiarum similes Magistri, si sanctioribus adhibeantur litteris interpretandis, quid aliud erit, atque Spiritum S. cogitationes pias in diligent Scripturarum Scrutatore prolicientem abigere, pellere, turbare? Sic scilicet benè quondam dixerit *Ang. Politianus*, semel se Biblia perlegisse, sed nunquam pejus collocasse ullum tempus: Sic rectè *Lazarus Bonamicus*; se Odas Pindaricas præferre Psalmis Davidicis: Sic hāud malè *Casپ Scioppius*; se Plautum præ sacrī amare litteris: Sic etiam optimè *Philippus Carolus*, Professor primū *Altorfinus*, posthæc *Apostata*; qui Vocem suam cum psallentium choro nun-

B 3      quam

quam copulavit, sed vel Senecam,  
vel Lipsium, vel Autorem quem-  
vis alium interea volutavit. At ve-  
rò si hoc non est Spiritui S. in os  
contradicere? si hoc non est eterna  
caducis posthabere? si hoc non est  
certissimam sibi damnationem ar-  
cessere? Tunc, me Christe, non scio  
amplius, quid dextrum sit vel sini-  
strum, quid album aut nigrum?

§. 6. Defensum it deinde ulte-  
riùs suam Dietericus contra diver-  
sum sentientes sententiam pag.  
250. h. m. Quapropter, inquit, non  
possimus non mirari supercilio-  
sum & fastidiosum Cujusdam in-  
genium, qui non sine stomacho ad  
Plauti locum, qui extat in argu-  
mento Amphitruonis de Jovis  
adulterio, effutit hæc verba: *Nimis  
impium est, Latinitatem discere ab  
illis, qui Deo, qui hominum bonis mo-  
ribus injuriam inferunt.* Satius esset  
Plauti

Plauti *Amphitruonem igni traditum*, quām istā perditissimā fabulā Deitati & humanis Virtutibus illudi. Quid verò ad ista Dietericus? primū miratur; sed ita nemo refutatur: deinde superciliosum & fastidiosum nominat illum, qui aliam ab ipso sententiam fovet, quare verò superciliosum, non addit; puto ego, quod supra cæteros cilium castimoniæ atque probitatis attollendo, turpissima Gentilium obscœnaq; despiciat Scripta: parca enim paucaq; illa est Latinitas, quæ ex solius Amphitruonis Comœdiâ discatur, nec nisi Plautophilis ferè peculiariter adamata: *Fastidiosus* autem si quis eapropter dici jure queat, quod dictu visuq; fœda fastidiat, obscœna horreat, spurcissima quæque aversetur; honesta satis & toleranda est appella-

B 4 tio,

tio, nec sanè aliter cuiquam Bono,  
vel mihi etiam unquam experita?  
quod verò non sine stomacho ef-  
futiverit illa; hoc quidem ei, quis-  
quis etiam sit, detractum vellem:  
Zelus, non stomachus est, si quan-  
do pro Deo Virtutibusque Chri-  
stianis intensius pugnatur; Fulmi-  
nare, non effutire est, quando gra-  
vissimis verbis in turpia quævis &  
flagitiosa fit animadversio: Unde  
nec præposteri judicii appellatio-  
nem in eo ferre possum; rectissime  
siquidem judicat, quisquis tandem  
sibi solam Scripturam sacram suffi-  
cere arbitratur; vel si altius ire quis  
defideret, Ebræam consulat & Græ-  
cam linguam: duabus enim, D.  
Augustinus lib. 2. de Doctr. Chri-  
stian. inquit, hominibus, (i.e. Inter-  
pretibus) ad verum Scripturæ sen-  
sum inquirendum, opus est alis,  
Ebræâ

Ebræâ videlicet & Græcâ Linguâ:  
 (quid ergo cum Latina Petronii  
 vel alterius profani Autoris facien-  
 dum?) Quem fere in modum a-  
 licubi etiam Cunr. Pellicanus, qui  
*sacris litteris, ait, inescabitur, Spir-  
 tu Domini imbuetur, & qui vanita-  
 tis spiritu ex secularibus litteris im-  
 butus est, illi sacræ litteræ sordebunt,  
 & esca erunt pernicioſa, præsentissi-  
 mumque venenum.*

§. 7. Putat autem Dietericus,  
*Moderamen aliquod in his talibus*  
*esse faciendum, atque illud stabili-  
 liendum, pientissimi quondam Vi-  
 ri Joachimi Camerarii, testimonia*  
*profert gemina: Prioris verba sunt*  
*in Plaut. Asinar. hæc; Contemple-  
 mur quasi in speculo hujus Comœ-  
 diæ, summa in turpitudinem tem-  
 porum illorum, & Deum timea-  
 mus atque veneremur orantes, ut à*

B 5

nobis

nobis tantam atrocitatem pœnæ, i.  
e. cœcitatris & adorantis, os eiusq[ue] d[omi]ni  
in amargratiis, benignè avertat, &  
molliat animos nostros, commo-  
veatque per S. Spiritum ad pœni-  
tentiam delictorum, & erigat ad  
spem salutis in fide Iesu Christi  
Salvatoris nostri, Amen. *Posterio-*  
*ris, in Bacchid.* Fabula hæc elegans  
est, sed flagitia & turpitudinem  
nefariam proponit; ad cuius co-  
gnitionem terner debent animi  
piorum, consideratione horribilis  
iræ divinæ, &c. Quis, nisi stips, ex-  
inde videre nequit, Camerarium  
non tam in expositione singula-  
rum obſcœnitatum esse scrupulo-  
sum, quam potius in eārum dehor-  
tatione laboriosum? non tam sua-  
dere, quam dissuadere lectionem?  
non tam moderamen afferere,  
quam solamen omnibus illis affer-  
re.

re , qui ab impietate Gentilium  
 præpostorè sunt occupati, vel Eth-  
 nicorum lectione autorum inescata-  
 ti. Simile jam si quid Epistolæ ad  
 Rom. capiti primo attexueris, nul-  
 lo tibi opus erit Petronio; Biblia  
 suppetunt, inde monita peti affa-  
 tim queunt; inde dehortationes à  
 flagitiis Ethnicorum, quibus piè &  
 decenter peractis, abundè caput  
 illud & ipse intellexisti & aliis ex-  
 posuisti. Verum quidem etiam  
 est, quod mox ex Plauto aliquis af-  
 ferre posset: *Si Vir fueris, non abibis  
 ad spinthriam: sed quis nescit, Otia  
 dare vitia; Occasionem fures face-  
 re; Scientiam appetere Experien-  
 tiam; neminemque ferrei adeo es-  
 se animi, qui non irritamentis ma-  
 lorum sæpiùs iteratis, tandem eli-  
 quescat vel fatiscat? Testis esse po-  
 test illud Tempus, quod post Italixæ*

B 6

vasti-

vaſtitatem à Gothis, Vandaliſque  
affectam, intercessit: tum enim  
Religiosi fuerunt attentiores in le-  
gendis Comœdiis, quām in Evan-  
geliis, nobiles Matronæ cum ma-  
jore plausu audiverunt lyram Flac-  
ci, quām præcepta Salomonis;  
Exercitatores fuerunt in artibus  
Nasonis, quām in lectione Pauli;  
illud Damaso Pontifici conqueri-  
tur Hieronymus; hoc Abbatii Sa-  
lomoni Victor Massiliensis. Nec  
abludit, quod ad Maximilia-  
num Cæsarem olim conquestus  
fuit *Johannes Trithemius*, Abbas  
Spanhemensis, Surgunt, inquit,  
nunc ordine præpostero plures,  
qui omne vitæ sua tempus in litte-  
ris humanitatis consumſere, & se-  
niores facti divinas Scripturas,  
quas nunquam didicerunt, perperam  
interpretantur, non enucleant, (quin  
circa

circa putamina in Gentilium Scri-  
rum λογομαχίας, aliisque plicis &  
tricis occupati , exteriora magis  
quām interna curant ) sed confun-  
dunt ( quas tamen ordine dispo-  
nere ac piscatoria simplicitate de-  
berent explicare, ) nec in proprio  
sensu (sed peregrino Ethnicorum)  
discutiunt.

§. 8. Præterea, cùm ex Nostra-  
tibus haud aliquis Sententiæ ob-  
tinendæ suppetat amplius Au-  
tor ; ad Concilium Tridentinum  
provocatur, cuius verba ex Regu-  
la Indicis librorum prohibitorum  
adducta ita sonant : *Libri antiqui,*  
*qui res lascivas seu obscenas tra-*  
*ctant, narrant, aut docent, ab Ethni-*  
*cis conscripti, propter sermonis ele-*  
*gantiam & proprietatem permittun-*  
*tur, nullâ tamen ratione pueris præle-*  
*gendierunt. Quale quæso in verbis*

B 7            istis

istis patrocinium superius abs Dieterico factæ assertionis? permit-  
tuntur libri Gentilium obscœni;  
non laudantur, non, tanquam ne-  
cessarii ad Scripturarum intelli-  
gentiam deprædicantur: non ceu  
Commentatores Bibliorum unici  
commendantur: hinc finis [etiam  
permissionis eorum additur, qui  
scilicet aliis non sit, quām sermo-  
nis, Latini potissimum, elegan-  
tiam & proprietatem adipisci, hæc  
verò cùm jam antehac Ebræo at-  
que Græco idiomate in sacra Scri-  
ptura undique radiet, quis Latium  
inquirat? quis aliena cupiat? quid  
stibio sit opus aut cerussa? Inverti  
ea, quæ Dietericus ex Scaligero,  
quibusvis obscœnorum librorum  
rigidis Censoribus occinuit: *Al-*  
*terum est non minoris pretii prece-*  
*ptum; ut ne, dum vitia insectamur,*  
eas

eas ponamus voces, è quibus, qui legunt, evadant deteriores. ( quod haud raro etiam ab Interpretibus Bibliorum, qui profanis nimium dediti sunt Autoribus, fieri videamus, atque fieri necessariò debet, si absque Petronii Satyrâ quidam Scripturæ sacræ versiculi capi aut intelligi non possunt,) Quid enim cogitaret adolescens, qui certarum ignarus obscenitatum, audiat verba aut vocabula tam nefanda, quam monstruosæ sunt ingenio ii, quie a Scriptis suis audent inserere? (monstrofa ergo erunt ingenia, quæ vitia monstrosa ex Petronio ad meliorē Scripturæ sacræ illustrationem deponentes, talia vocabula coacervant, quibus Christiano in corde horror oritur atque trepidatio:) Malo igitur non reprehendere vitia detestanda, ( h. e. malo igitur  
 non

non illustrare ex Petronio aliisque  
Gentilium Scriptoribus vitia de-  
testanda,) quam in execranda ora-  
tione mereri reprehensionem. (h.e.  
quam in execranda specialiori fla-  
gitiorum evolutione mereri da-  
nnationem.) Nempe obtinet h̄ic  
illud *Reuchlini*, quod & in Disputa-  
tionis sue clausulâ Dietericus, con-  
tra quidem priùs à se disputatorum  
mentem, adhibuit: Sile, cola, oc-  
ulta, tege, tace, mussa.


§. 9. Quæ tamen omnia ha-  
bitenus à me dicta, nō eo velim mo-  
do accipi, quasi vel mortui Leo-  
nis pessimus insultor, vel secula-  
rium litterarum iniquus osor es-  
sem: Scio, quod de Mortuis non-  
nisi benè; neque ego h̄ic aliter:  
nisi quod Sententiam publicæ Or-  
bis luci expositam, adeoque adhuc  
viventem, juxta receptum, hoc se-  
culo,

culo, morem, pro captu meo ex-  
pendam. Neque etiam deinde  
ignoro Exempla Scriptorum Σεο-  
πρέων, qui à pueritia & juventu-  
te suâ in variis Gentium artibus  
& linguis instituti fuere ac imbu-  
ti : Novi & Typos à nonnullis  
Biblicos, utut inconcinnè satis,  
contraqué Spiritus Sancti men-  
tem, ad evincendam profanorum  
lectionem Autorum, huc trahi at-  
que applicari : Memini quoque à  
Dieterico testimonia Patrum ad  
tuendam suam sententiam allega-  
ri, quæ verò vel usum Geographiæ,  
Physicæ & Astronomiæ statumi-  
nant ; vel Dialecticæ studium  
commendant ; vel Eloquentiæ  
utilitatem laudant, nullum au-  
tem ejusmodi productum ibidem  
legitur, quò apertè demonstrari  
posset, sine Scriptorum Ethnicorū  
ope,

ope, Scripturam sacram à nemine posse intelligi: Hocque adeò, nihil aliud, præsenti meditatione agere volui, atque refutare opinionem potissimum eorum, qui Petronium Arbitrum, ceu Verbi divini Commentatorem eximium Lectoribus Epistolæ Paulinæ ad Romanos obtrudere non erubescunt. Finio cum D. Basilio M. in peculiari sermone de Utilitate Scriptorum Ethnicorum *πρὸς Ῥέτοντας*; Quemadmodum in Roseto flores decerpimus, spinas relinquimus: sic profani Autores tractandi sunt; ut utilia decerpamus, à noxiis caveamus. Addo, quæ B. Lutherum ad quendam Theologiæ Studiosum scripsisse, abs Hieronymo Wellerio memoriæ proditum est: Sacras litteras majori intentione, quam profanas litteras lege, eò quod sunt verba

verba divinæ Majestatis. Ideoque  
singulorum verborum emphases  
& pondera (non ex pyxide Profan-  
orum Autorum, sed gazophyla-  
cio textūs sacri de promta, ) dili-  
genter observa: Hoc studium le-  
gendi & meditandi me Theolo-  
gum fecit. Ultimò ; ut paucis  
multa comprehendam : Faciliùs,  
inquit *Ludovicus de Dieu* in præf.  
Grammat.Harmon. Europæis fo-  
ret, Platonis Aristotelisq; ( imò &  
Petronii, si qua est, ) elegantiam  
imitari; quam Platonis Aristoteli  
( multò minus Petronio ) unicum  
ex Novo Testamento ver-  
bum interpre-  
tari.

F I N I S.



Ung II 261

**ULB Halle**

005 704 065



3

WAG

Z



# Farbkarte #13

B.I.G.

Centimetres

|        |   |   |   |   |   |   |   |   |   |    |    |    |    |    |    |    |    |    |    |
|--------|---|---|---|---|---|---|---|---|---|----|----|----|----|----|----|----|----|----|----|
| Inches | 1 | 2 | 3 | 4 | 5 | 6 | 7 | 8 | 9 | 10 | 11 | 12 | 13 | 14 | 15 | 16 | 17 | 18 | 19 |
|--------|---|---|---|---|---|---|---|---|---|----|----|----|----|----|----|----|----|----|----|

Blue  
Cyan  
Magenta  
Yellow  
Green  
Red  
White  
3/Color  
Black

WILHELMI  
*Leri*<sup>da 5</sup>  
ARIA  
TATIO,  
*mis hujus:*  
auli Cap. I. ad  
e Profanorum  
n, maximè PE-  
, cognitione,  
queat?  
*Ad*  
ICUM.  
*(o) 86*  
COFVRTI  
*Mænum*  
IELEM FIEVET.  
C. LXXIII.